

AGENDRE FANEMA EHEHA NI'AMONI'Ö MINGGU 28 MEI 2022

1. FANGOWAI BA FOGAONI

(Tedöni dorosi , möi ndra sohalöwö bakha ba gosali, ba lahalö wangahono dödö banua niha Keriso ba wangondrasi ba ba wasumangeta khö Lowalangi).

Fangowai :

SA : Ya'ami banua Zo'aya, No oi owulo ita oi faondra ba wa'owuawua dödö ba wa nöro tödö Fanema Eheha Ni'amoni'ö. Ma'owai Ami ba döi Yesu Keriso, : Ya'ahowu.

SATO : Ya'ahowu !

SA : Ba wa'owuawua dödö andrö, da talau fara'u tanga khö nawöda si so ba gambölöda ba ba gaberada zamösana ba tamane : Ya'ahowu wanema Eheha Ni'amoni'ö !

SATO : Ya'ahowu wanema Eheha Ni'amoni'ö.

SA : Ya faofao khömi Lowalangi...

SATO : Ya fao Khöu Geheha-Nia

Fogaoni :

SA : Da ta'owuawua'ö dödöda wangondrasi Yehowa, da ta'omusoi'ö dödöda ba Wamalua fasumangeta khö Lowalangi. Tasuno Ia, manunö ita moroi ba Mbuku Zinunö **numero 119**

119. HE YESU, BE GEHEHAMÖ

Lala : Nisuno Lowalangida Sahakhö Tödö (No. 16)

do = d 4/4

MM = 96 – 104

1. He Yesu, bè Geheha-Mö, dozigö zamati khö-Mö, niha ba gulidanö. Si möi fangehaogö dödö, dozi si no tanakhö-Mö, si lö mamalömalö. Khö-U sa möiga, ba wanema howuhowu soroi Nama, hakhösi tödö-U, So'aya.
2. Te'ala ba abu dödö, na lö khöma Eheha-Mö, sohagaini tödöma. Tebai matara lahe-Mö, na lö sangaro'ö tödö, sondrou'ö famatima. Yesu, tolo, be'e khöma Geheha, sangabölö'ö, afu so wa'anau gölö.

2. FANGA'ARO'Ö WA'OWULO (VOTUM)

SA : Da tahonogö dödöda ba wariawösa, ba ba wa hasambua khö Lowalangi, (Muzizio zato):

No owulo ita ba da'e ba döi Lowalangi Ama, ba ba döi nono-Nia Yesu Keriso, ba ba döi Geheha Ni'amoni'ö. Fangorifida ha ba döi Yehowa si no momböi banua si yawa awö danö.....

SATO : YADUHU

SA : Ba Ube'e khömi dödö si bohous ba Eheha si bohous Ube'e khömi ba dödömi bakha; tödö kara andrö, ba Uheta barö dotomi ba Ube'e khömi dödö nagole. Ba Ehehagu Ube'e ba dödömi ba mi'o'ö ni fakhoi-Gu Ube'e, ba mitöngöni lala ni be'e-Gu ba mitörö. HALELUYA.....

SA : **Manunö** : BZ. : 452

HALELUYA....HALEYA.... HALELU...YA.....

SA : Mangandrö ita :

He Yehowa Lowalangima ! Nisuno döi-Mö götögötö wa'ara, me no sebua tödö Ndra'ugö. No Öfatenge Geheha-U Ni'amoni'ö, ba wamohouni, ba wondrorogö, ba ba wangaro'ö ya'aga tobali ono sanema ondröita sebua böli, ya'ia wangorifi andrö ba khö Zo'aya ya'aga Yesu Keriso. No Öfatenge khöma, Geheha Ni'amoni'ö ba wamaha'ö ba ba wohagaini ya'aga banua-U. Mangalulu ndra'aga khö-U si fao fangide'ide'ö ba wanema'ö Eheha-Mö, ena'ö I'igö dödöma. Aine khöma Eheha ni'amoni'ö ba wangabölö'ö ya'aga ba wolo'ö somasi Zo'aya ya'aga Yesu Keriso, Yaduhu. **(Mudadao zato)**

3. MANUNÖ moroi ba Mbuku Zinunö Numero 125

125. HE YESU, YA IFATÖRÖGA

Lala : Usuno Wondrege Zalaŵa (No. 311)

do = c 3/4

MM = 96 - 104

1. He Yesu, ya ifatöröga, Eheha Ni ' amoni ' ö.
Ena ' ö oi oroma khöma, zi möi fangala ba dödö.
Bokai fefu hörö dödöma, wangi' ila somasi Nama.
2. Tebai ndra' aga ba wolaŵa, era' era si tohöna.
Si tumbutumbu ba dödöma, ba döröŵa wekolima.
Eheha-Mö bè ba dödöma, ena' ö so khöma wemöna.

4. FOMBASO TAROMA LI LOWALANGI FAMÖRÖGÖ (AF)

: Da Tafondrondrongo Daroma Li Lowalangi, Tehalö Moroi Ba Zura I Samuëli 10:6-13

6. Ba so dania khöu Geheha Yehowa ba sama'ele'ö göi ndra'ugö, si mane ya'ira, ba tobali niha si bohoundra'ugö.
7. Ba na ö'ila dania itörö dandra andrö, ba lau nilaumö, itolo'ö sa Lowalangi.
8. Ba taisa mitou ba Giligala; ba möido dania khöu mitou, ba wame'e sumange nitunu, ba ba wanaba sumange fangorifi: fitu bongi base'ö, irege möido khöu, ba wangombakha khöu, he öwisa.
9. Ba me ibali'ö ia, ba wondröi Samuëli ba ifalalini dödönia Lowalangi, ba tandra no mege ba ahoi alua me luoda'ö.
10. Me larugi Gibeandandrö, ba faondra khönia zama'ele'ö, sambawá, ba so khönia Geheha Lowalangi, ba mama'ele'ö ia awöra.
11. Ba me la'ila ia dozi si no fa'ila li khönia föna, wa mama'ele'ö ia, awö zama'ele'ö andrö, ba faoma lamane khö nawöra sato: Hadia zi göna ono Kisi andrö? Hadia, awö zama'ele'ö göi Zaulo andrö?
12. Ba so ba da'ö zanema li, imane: Ba ha niha namará? Ba da'ö tumbu gamaedola andrö: Hadia, awö zama'ele'ö göi Zaulo?
13. Ba me no ibato wama'ele'ö, ba ifuli ia khöra.

Simanö daroma Li Lowalangi, da tatema'ö faoma sinunö: BZ.Numero 120:1

120. HE YESU, BE GEHEHAMÖ EHEHA NI'AMONI'Ö¹

do = c 4/4

MM = 96 - 104

1. He Yesu bè Geheha-Mö, Eheha Ni ' amoni ' ö, sangiagö tödöma.
Afu tödöma tehaogö, abeta zi lö atulö, tebohoundra'aga.
Aine khöma, Eheha Ni ' amoni ' ö soroi Nama, sangabölö 'ö ya 'aga.

5. FANGANDRÖ FANGEFA HORÖ

SA

: Ya'ami ira talifusö'

Na tawa'ö lö horöda, ba talimo ita, ba siduhu lö'ö ba dödöda. Na ta'ombakha'ö Horöda, ba lö faröi Ia, ba no satulö Ia, fa'i'efa'ö khöda horö andrö, ihaogö ita, awö wa'iheta fefu zilö atulö. Andrö da möi ita föna Lowalangi si fao fangidengide'ö ba wangombakha horöda, (muzizio ita fefu)

Mangandrö ita :

He Yehowa Lowalangima si no fahöna fa'omasi ba niwöwöi-Mö fefu. Ma'ondrasi Ndra'ugö ma'ökhö andre, ba wangombakha khö-U, wa tenga sinangea ndra'aga wanema howuhowu, meno fahöna horöma; me lö khöma fanörö lala satulö föna U, me ma'o'ö nikhoi dödöma sito ölö andrö. Ba meno oroma khöma Geheha ni'amoni'ö, sohagni lalama, ba solohe ya'aga ba zi duhu,

¹ Note : Tim Revisi Buku Zinunö BNKP 2009

3

andrö ma'andrö khö-U: Heta ba dödöma fefu zira'ira'io andrö, ba be'e aefa khöma horöma, ena'ö tola monaha ba dödöma, Zanolo, nifabu'u-Mö andrö, si no möi ba wanolo ya'aga ba wolawa afökha, sanandraigö ya'aga ero ma'ökhö; afu tola Ötandrösaigö khöma göi ngawalö howuhowu somasi'Ö, ba ena'ö sangila Lowalangi ndra'aga ba gamozua, ba zorugo yawa.

SATO : Mangandrö ba dödö zamösana föna Lowalangi1 irugi 2 meniti

SA : Hakhösi dödö-U khöma Ama, ba be'e aefa khöma horöma andrö ma'afefu. Yaduhu

SATO : Manunö : BZ. Numero 224 : 1

224. NA'UBINI'Ö HORÖGU KHÖ YESU

1. Na'ibini'ö horögu khö Yesu, ba lö usöndra za hono dödögu U'ombakha'ö ngawalö horögu, mo lala dödö.

SA : **Turia Wangefa horö** : "Fa'ahakhö dödö sa, wa no auri ami, moroi ba wamati, ba tenga moroi khömi da'ö, no buala Lowalangi. "Eheha andrö ba no we'ewe'e dödöda, ba gondroita andrö fefu, ya'ia wangöhöli andrö ba fangorifi ba wanuno lakhömi-Nia andrö".LAKHÖMI KHÖ LOWALANGI SI YAWA.....

SATO : Manunö:

450. BA FA'ATULÖ BA GULIDANÖ

do = d 4/4

MM = 74 – 84

1. Ba fa 'a tulö ba gulidanö ba niha ni'omasi 'ö andrö

(mudadao zato)

6. FOMBASO WAÖWAÖ WANEMA EHEHA NI'AMONI'Ö

SA : Da tafondrongo waöwaö wolau Eheha Ni'amoni'ö

- 1) Manunö moroi ba BZ. No 119:1

119. HE YESU, BE GEHEHAMÖ

Lala : Nisuno Lowalangida Sahakhö Tödö (No. 16)

do = d 4/4

MM = 96 – 104

1. He Yesu, bè Geheha-Mö, dozigö zamati khö-Mö, niha ba gulidanö. Si möi fangehaogö dödö, dozi si no tanakhö-Mö, si lö mamalömalö. Khö-U sa möiga, ba wanema howuhowu soroi Nama, hakhösi tödö-U, So'aya.

+ Fombaso Halöwö Zinenge 2:1-4

1. Ba me luo wendrakose (si 50) ba no owulo ira fefu, ha sambua naha.
2. Ba i'ozumagö so zihöngö, si otarai mbanua si yawa, hulö na itörö angi sabölöbölö, ba ifönu nomo andrö, ma'asambua, ba zi dadao ira.
3. Ba oroma khöra dalinga wandru, si fabalibali, alitö wamaigira, ba idozigö ira, ahono ba hōgōra.
4. Ba fahōna khōra Geheha ni'amoni'ö, ba labörötaigö lalau li bö'ö, si mane nibe'e Geheha khöra fanötöi.

- 2) Manunö moroi ba BZ. No 119:2

119. HE YESU, BE GEHEHAMÖ

2. Te'ala ba abu dödö, na lö khöma Eheha-Mö, sohagaini tödöma. Tebai matara lahe-Mö, na lö sangaro'ö tödö, sondrou'ö famatima. Yesu, tolo, be'e khöma Geheha, sangabölö'ö, afu so wa'anau gölö.

+ Fombaso Halöwö Zinenge 2:5-13

5. Ba so zi fatewu gana ba Yeruzalema, niha Yehuda, niha sangata'ufi Lowalangi, soroi fefu soi ba guli danõ.
6. Ba me so zihõngõ andrõ, ba aekhu niha sato ba tobali dõdõra, me larongo wehedera ba li khõra, dozi ira.
7. Ba tobali dõdõra, dozi ira, ahõlihõli dõdõra ba lamane: Hiza, tenga banua Galilaia ira, dozi sihede andrõ?
8. Ba he wisa wa tarongo lida, dozi ita, li ba danõda, ba zi tumbu ita?
9. Ya'ita Dawa Waretia ba Dawa Media ba Dawa Gelama, awõ zi so ba Mezofotamia, ba ba Yudaia ba ba Gafadokia, ba Wondro ba ba Azia,
10. ba Werigia ba ba Wambilia, ba danõ Miserayi ba ba danõ Libia, tánõ ba Girene, awõ zi fatewu gana ba Roma, niha Yehuda, awõ zi no mõi banuara,
11. Dawa Gereta ba Dawa Ara, ba tarongo, lalau lida, wangombakha segebua andrõ, nilau Lowalangi.
12. Ba tobali dõdõra, dozi ira, lõ la'ila watahõgõ, faoma lamane khõ nawõra: He wisa da'õ dania?
13. Ba so zangaohangaoha õsa, lamane: Si mabu agu sami.

3) Manunõ moroi ba BZ. No 119:3

119. HE YESU, BE GEHEHAMÕ

3. Mabe' e dõdõma khõ-Mõ, haogõ ba wa'omasi-Mõ, fa' abõlõ Geheha. Tena'wa zi lõ atulõ, si mõi fana' unõi dõdõ, si tobali fangala. Yesu be' e haga Geheha sangoroma lalama, Ena' õ lõ te' alaga.

+ Fombaso Taroma Li Lowalangi nibaso fõna huhuo (AB).....Tehalõ moroi ba zura **Roma 8:1-6**

1. **Ba lõ'õ sa'ae fanibo zi so ba khõ Keriso Yesu.**
2. **Noa sa i'efa'õ ndra'ugõ ba gorõisa horõ ba ba gorõisa ba wa'amate andrõ oroisa Geheha sangorifi andrõ, ba khõ Keriso Yesu.**
3. **Si tebai gorõisa andrõ sa, me no lõ abõlõ ia ibe'e õsi niha andrõ, da'õ nilau Lowalangi, wamatenge Ononia, famaedo nõsi niha andrõ, si no so barõ mbawa horõ, bõrõ horõ andrõ, ba no i'etu'õ huku horõ andrõ, ba nõsi niha,**
4. **ena'õ itõrõ niwa'õ ba gorõisa andrõ, ba khõda, si lõ manõrõ lala nõsi niha, sanõrõ lala Geheha.**
5. **Si so ba lala nõsi niha sa, ba hadia ia ba nõsi niha lagohi tõdõra, ba si so ba lala Geheha, ba hadia ia ba Geheha lagohi.**
6. **Era'era nõsi niha sa, ba no fa'amate, ba era'era Geheha, ba no fa'auri ba fa'ohahau dõdõ.**

Ya'ahowu zamondrongo taroma Li Lowalangi ba Same badõdõ...

8. SA+SATO
FASÕMBATA
SA

: **Yaduhu**

: Iada'e tebe'e khõda ginõtõ ba wolohe fasõmbata khõ Lowalangi. Ta'osamuzaigõ wame'e, he fasõmbata si fõfõna, ba simanõ gõi zi mendrua awõ zi medõlu, sifao fangowuloi fasõmbata DPS. Ba si fõfõna ua da tafondrongo Li Lowalangi me imane:

- ❖ Ba da'õ niwa'õ-Gu: Na so zangatalisi tanõmõ, ba lõ oya'oya ibasi, ba na so zi lõ alimagõ tanõmõ, ba oya gõi ibasi dania. Ba balazi dõdõ zamõsana; bõi abu dõdõ, ba tenga ni forege; si no aoha gölõ fame'e, da'õ sa zomasi Lowalangi.

Tafa'ema wasõmbata khõ Lowalangi, manunõ ita moroi ba Mbuku Zinunõ **Numero 127**

127. HOWUHOWUMÕ SO'AYA 1

do = f, 6/4
MM = 96 - 104

1. Howuhowu-Mö So' aya hulö sa wa ' aekhu deu.
Möi fangatabö zinanö ba fangohahau dödö.
Yae ndra' o, yae ndra' o, fa - ho-wu ' ö göi ndra' o.
2. Böi lalöi ndra' o So' aya, he oya golalöwa.
Hakhösi tödö-U ndra' odo, he tenga sinangea,
Yae ndra' o, yae ndra' o, hakhösi tödöu ndra' o.
3. Ondrasi ndra' o Keriso, tötönafo'gu saro.
Humulu sibai dödögu, wogaoni-Mö ya' odo.
Yae ndra' o, yae ndra' o, me no göi Ökaonido.
4. Aine Eheha wa' auri, ae hagaini dödögu.
Taroma li-Mö sindruhu, zamaeri fa' aurigu.
Yae ndra' o, yae ndra' o, ae hagaini dödögu.
5. Sarörö manö ndra' odo, no ubusi dödö-Mö.
No manötöna ndra' odo, ba nösi gulidanö.
Yae ndra' o, yae ndra' o, orifi göi ndra' odo.
6. Fa' omasi soroi Nama, fa' abölö ndro Yesu.
Ba fa' abölö Geheha zangaro famatigu.
Yae ndra' o, yae ndra' o, a' aro' ö dödögu.
7. A' aro' ö khö-U dödögu, Ama Lowalangigu.
Be' e nidanö aurifa umbu wangorifigu.
Yae ndra' o, yae ndra' o, be' e nidanö gumbu.

SA

: *(Na no awai la'owuloi/lafa'ema wasömbata, ba owulo tanö furi zangowuloi Fasömbata, lafendrongagö wolohe föna fasömbata, ba la'o'ö gofanöwa note zinunö (irama lagu).Fatua lö möi ira wolohe föna, ba imane Sangai Agendre:)*

“Da tafasao wasömbatada andre föna Lowalangi,.....Muzizio ita fefu.....
Manunö ita moroi ba Mbuku Zinunö numero 261

261. YA'E ZUMANGE ²

do = d 4/4
MM = 62 - 68

Ira'alawe

1. Ya' e zu-ma-nge fa-sömbata, ma' o-he sumange Yehowa.
Iramatua
Reff: Ma'andrö khö-U fa-ho-wu'ö zu-mange ni 'o- hema khö-Mö
2. Ya'e zumange fasömbata mabe'e soroi ba dödöma.
Reff: Ma'andrö khö-U
3. Ya'e zumange fasömbata buala si'otarai Nama.
Reff: Ma'andrö khö-U
4. Ya'e zumange fasömbata, boto, noso, ba fa'aurima
Reff: Ma'andrö khö-U
5. Ya'e zumange fasömbata, lö irugi zomasi dödö-U.
Reff: Ma'andrö khö-U
6. Ya'e zumange fasömbata, ma'ao'hasi gölö Zo'aya.
Reff: Ma'andrö khö-U

FANGANDRÖ

: *(Fangandrö nidönia'ö fasamösa zangowuloi fasömbata, aefa da'ö ba lafa'ema ba Danga zangai huhuo, itema'ö sangai huhuo awena itou'ö ba dete meza. Ba na so Wasömbata si sambua ni'ofulu, owasa wanaru ma owasavwamasi, btn ba itema'ö sangai huhuo si fao taroma Li Lowalangi si faudu ba wasömbata ni'owuloi andrö)*

9. KOOR/VOKAL GROUP

SA

: Da tafaogö dödöda ba wanuno Lowalangi faoma sinunö ni'olohesi:

Koor ba Vokal Group

- a. Koor Jemaat
- b. Kegiatan Komisi Bapak (Koor/Vokal Group)
- c. Kegiatan Sektor I (Koor/Vokal Group)
- d.

10. MANUNÖ

SA

- : Da tafa'anö dödöda wamondrondrongo taroma Li Lowalangi, manunö ita moroi Ba Mbuku Zinunö **numero 163**

163. UHONOGÖ SIBAI DÖDÖGU

do = a, 4/4

MM = 76 – 82

1. Uhonogö sibai dödögu ba wamondrondrongo li Mö Yesu Mangalulu ndra'odo föna-U ba gametahö-Mö ia da 'a Öbayoini Eheha-U Yesu dozigö mbanua samati khö-U. Ubokai dödögu khö-U Yesu nahia daroma li-U. Taroma li-Mö lö fa'atebulö menewi ma 'ökhö ba si 'ogötö'ö lö sa mamalö. Taroma li-Mö si möi fangabölö utema 'ö soroi ba dödö, tolo ba wolo 'ö.

11. HUHUA SEBUA

SH

- : Ya'irorogö dödömi, awö gera'erami fa'ohahau dödö andrö, khö Lowalangi, Sabölö moroi ba gera'era niha fefu, ba khö Keriso Yesu. Mangandrö ita.....Yaduhu.

- a. Fombaso taroma Li Lowalangi *Yohane 20:19-23(Tuho Migu: Tema'ö Geheha Ni'amoni'ö / Terimalah Roh Kudus)*
- b. Fanuriaigö
- c. Nitano ba dödö. *Roma 8:5b (Ba si so ba lala Geheha, ba hadia ia ba Geheha lagohi. / Mereka yang hidup menurut Roh, memikirkan hal-hal yang dari Roh)*
- d. Fangandrö Fanga'aro'ö huhuo

SATO

- : Manunö : BZ. Numero 154 : 1

154. NO MAFONDRONDRONGO LIU

do = es 4/4

MM = 96 - 104

1. No mafondrondrongo li-U, Lowalangi So 'aya. Tanö ba dödöma ia, fa böi olifuga. Fahowu 'ö ia khöma, ena 'ö ohahau dödöma fefu. Heta ba dödö zi lö sökhi, ma'o 'ö niwa 'ö-U.

12. TUHO WAMATI

SA

- : Me notarongo daroma Li Lowalangi, ba da tafaogö Lida wamaduhu'ö famatida Ya'ita niha Keriso föna Lowalangi, muzizio ita fefu.....endronga lida

SA+SATO

- : ❖ Ya'o mamati khö Lowalangi Ama si lö ambö fa'abölö, somböi banua si yawa awö danö.
- ❖ Ya'o mamati Khö Yesu Keriso, So'aya ya'ita, Ono Lowalangi si ha samösa, nitema nina-Nia Maria khö Geheha Ni'amoni'ö, Ono nono alawe Ia, no manaögö huku Ia, barö mbawa Fondrio Filato, teforöfa Ia, mate,ba lako'o. No möi Ia ba mbanua niha tou, no maoso Ia moroi ba ngai zimate me no irugi tölu ngaluo. No manahae Ia, möi ba zorugo, dumadao ba gambölö Lowalangi Ama si lö ambö fa'abölö. I'otarai da'ö mangawuli Ia dania ba wanguhuku niha sauri, awö zi no mate.
- ❖ Ya'o mamati khö Geheha Ni'amoni'ö, ba ufati ha sambua mbanua ni'amoni'ö, fefu niha Keriso, fa'awösa niha ni'amoni'ö, ba fangefa horö, ba femaoso mboto zimate, ba fa'auri si lö aetu. Yaduhu. (Mudadao zato)

13. ANGOMBAKHATA BA MBANUA NIHA KERISO

SA : Da tafondrondrongo gangombakhata:.....

**FEMANGA GÕ NI'AMONI'Õ
MANUNÕ**

SA : Manunõ ita moroi ba Mbuku Zinunõ **numero: 308 ayati 1-2**

308. TANGA YESU NO ARO

Lala : Masuno' Õ Yehowa (No. 3)

do = f 3/4

MM = 96 - 104

1. Tanga Yesu no aro, lö manõ Ibõhõlido.
Sondrorogõ ya ' odo, ena ' ö lö te ' alado.
Lö mangiwa dödõgu So ' aya zi fao khõgu.
2. He abölõ nudugu, ba so Keriso awõgu.
Ba sahono ndra' odo, Yesu zolaŵa udugu.
Lö Ilulu ndra' odo, femõna Ibè khõgu.

14. FANGANDRÕ SALAHI + FAMATENGE + HOWUHOWU

SH : Muzizio ita fefu, mangandrõ ita :.....(tetohugõ) : Ba döi Zo'aya ya'aga Yesu Keriso, Si no mamahaõ ya'aga ba wangandrõ mamane :

SH + SATO : He Ama khõma siso ba zorugo, ya te'amoni'õ döi-U. Ya tobali banua-U fefu niha, Ya itörõ zomasi ndra'ugõ, hulõ ba zorugo, ya si manõ göi ba gulidanõ. Õma sirugi ma'õkhõ be'e khõma ma'õkhõ andre. Ba efa'õ khõma horõma, si mane fangefa'õma sala ba zi so sala khõma. Bõi ohe ndra'aga ba wanandraigõ, efa'õga ba zi lö sökhi. Me ya'ugõ zamatörõ banua-U, ba sokhõ fa'abölõ, awõ lakhõmi, irugi zi lö aetu. Yaduhu

SH : **FAMATENGE + HOWUHOWU :**
Mi'angawuli si fao fa'ohahau dödõ, ya tobali ami sura Keriso, samaduhu'õ Ya'ia ba Lala wa'aurimi sero ma'õkhõ, ba mitema (tatema) howuhowu Lowalangi :
❖ Ya mufahowu'õ ami/ita Lowalangi, Ya murorogõ ami/ita
❖ Ya mufohaga mbawa-Nia Khõmi/khõda, Ya mu'ebua'õ dödõ-Nia khõmi/Khõda
❖ Ya mufalemba hörõ-Nia khõmi/khõda, Ya mube'e wa ohahau dödõ khõmi/khõda fefu. Yaduhu

SATO : Manunõ BZ.Numero : **308 ayati 3**

308. TANGA YESU NO ARO

Lala : Masuno' Õ Yehowa (No. 3)

do = f 3/4

MM = 96 - 104

3. No fondrege zabölõ, zi tobali balusegu.
Ifoloi zi fa' udu, he ahatõ ira khõgu.
No ahono dödõgu, lö irõi ndra' o Yesu.

SH : Ya'ahowu

SATO : YA'AHOWU